

Sda. Congregación de Ritos

Instructio circa missarum votivarum celebrationem sacerdoti infirmo vel caecutiendi apostolico induho concessam

I.—PRAENOTANDA

1. Sacerdos infirmus, vel caecutiens visivae potentia debilitate, sive accidentaliter sive habitualiter, laborans, a Sancta Sede dispensationem obtinere potest celebrandi, iuxta normas inferius expositas, aut aliquam Missam ex votivis, aut Missam «quotidianam» defunctorum.
2. Condiciones huiusmodi privilegii adamussim observandae sunt.
3. Si durante privilegio, sacerdos caecutiens, plane caecus evadat, novum indultum a S. Congregatione de disciplina Sacramentorum obtinere debet; eoque obtento, sub gravi tenetur uti adistentia alterius sacerdotis vel diaconi.

II.—NORMAE DE MISSIS VOTIVIS

A) *Quae Missae votivae dici possint.*

4. Sacerdos dispensatus dicere potest:
 - a) aut Missam *Salve, sancta Parens*, ut in Communi festorum B. Mariae Virg. quovis anni tempore;
 - b) aut Missam votivam de B. Maria Virg. pro diversitate temporum assignatam;
 - c) aut aliam Missam, quae tamquam votiva celebrari permittitur, iuxta nn. 306-316 *Constitutionis* rubricarum

B) *Quando Missa votiva dicenda sit.*

5. Missa votiva dici potest quovis anni tempore; dici vero debet omnibus et singulis diebus, in quibus non permittuntur Missae defunctorum.
6. In Triduo sacro, sacerdos omnino a celebrando abstinebit.
7. In festo Nativitatis Domine, tres Missas dicere potest.

C) *Quo colore utendum sit.*

8. Si sacerdos infirmus vel caecutiens privatim celebret semper colore albo uti potest.